

Zaključci sa Konstituirajuće sjednice Odbora za Rome pri Vijeću ministara Bosne i Hercegovine održane 21.11.2022. godine u Zgradi Parlamentarne skupštine Bosne i Hercegovine

Ad 1.

Intoniranje himne Bosne i Hercegovine i Romske himne:

U skladu sa protokolom intonirana je prvo himna Bosne i Hercegovine, a potom i Romska himne, čime je konstitutivna sjednica petog saziva Odbora za Rome pri Vijeću ministara Bosne i Hercegovine zvanično i otvorena.

Ad 2.

Utvrđivanje kvoruma

Nakon prebrojavanja, utvrđeno je da 19 osoba je prisutno na sjednici, od toga 2 osobe prisustvuju sjednici *online* putem ZOOM aplikacije, a sjednici nisu prisutne 3 osobe.

Konstantovano je da nije povređen član 4. Poslovnika o radu Odbora za Rome pri Vijeću ministara Bosne i Hercegovine, te da postoji kvorum za održavanje sjednice.

Ad 3.


Izbor najstarijeg predstavnika Roma za predsjedavanje konstitutivnom sjednicom

Za najstarijeg predstavnika koji će, u skladu sa protokolom, predsjedavati konstitutivnom sjednicom do izbora novog predsjedavajuće/g i zamjenika/ce predsjedavajuće/g Odbora za Rome pri Vijeću ministara Bosne i Hercegovine na mandat od četiri godine, izabran je Nedžad Jusić.

Ad 4.

Usvajanje Poslovnika o radu Odbora za Rome pri Vijeću ministara Bosne i Hercegovine

- Većinom glasova za, 1 protiv i 1 suzdržanim usvojen je Prijedlog Poslovnika o radu Odbora za Rome pri Vijeću ministara Bosne i Hercegovine sa predloženim izmjenama i dopunama Borisa Lovrinovića;
- Zadužuje se predsjedavajući/a Odbora za Rome pri Vijeću ministra Bosne i Hercegovine da na nekoj od narednih sjednica Odbora za Rome u tačke dnevnog reda uvrsti *i Prijedlog izmjene i dopune Poslovnika o radu Odbora za Rome pri Vijeću ministara Bosne i Hercegovine* u okviru koje bi se razmatrala mogućnost izmjene dosadašnjeg načina odlučivanja, odnosno da se umjesto dosadašnjeg odlučivanja većinom glasova prisutnih članova/ca Odbora za Rome, zaključci, preporuke i mišljenja u vezi sa pitanjima o kojima se raspravlja na sjednici usvajaju konsenzusom, a ako se ne postigne konsenzus, da se usvajaju većinom glasova prisutnih članova/ca Odbora za Rome.



Ad 5.

Izbor predsjedavajuće/g i zamjenice/ka predsjedavajuće/g Odbora za Rome pri Vijeću ministara Bosne i Hercegovine

- Sa 11 glasova za, 3 suzdržana i 1 protiv Aleksandar Mašić izabran je za predsjedavajućeg Odbora za Rome pri Vijeću ministara Bosne i Hercegovine na mandat od četiri godine, dok je za njegovu protivkandidatkinju Snježanu Mirković – 8 bilo za i 5 suzdržanih;
- Za zamjenika predsjedavajućeg Odbora za Rome pri Vijeću ministara Bosne i Hercegovine većinom glasova za i jednim protiv izabran je Mladen Božović.

Ad 6.

Usvajanje Operativnog plana Odbora za Rome pri Vijeću ministara Bosne i Hercegovine za 2022. godinu

- Usvaja se predloženi Operativni plan Odbora za Rome pri Vijeću ministara BiH za 2022. godinu sa 11 ZA i 5 suzdržanih;
- Predlaže se predjedavajućem da na narednoj sjednici Odbora za Rome zatraži da se uvrsti na dnevni red novi Operativni plan Odbora za Rome pri Vijeću ministara BiH za 2023. godinu;
- Članovi Odbora za Rome pri Vijeću ministara BiH izražavaju nezadovoljstvo sa raspodjelom sredstava iz budžeta Ministarstva kada su u pitanju Grant sredstva za realizaciju Akcionog plana, te predlažu Ministarstvu da prilikom izrade budžeta za naredne godine uključe i članove ovog savjetodavnog tijala u pripremi planiranja istog.

- Ad 7.

Tekuća pitanja

- formiraju stalne i/ili povremene stručne temetske grupe za monitoring Akcionog plana na osnovu realizacije 4 strateška cilja iz Akcionog plana, odgađa se za narednu sjednicu većinom za i jednim suzdržanim.
- prijedlog oko organizacije svečane sjednice u povodu obilježavanja Međunarodnog dana ljudskih prva nije stavljena na glasanje.